

გადანყვებილება

N გ-24-20/549
28/11/2024

549-გ-24-1-4-202411281354



შპს „მაგთიკომის“ მიერ წარმოდგენილი ინფორმაციის კომერციულ საიდუმლოებად ცნობის თაობაზე განცხადების განხილვის შესახებ

საქართველოს კომუნიკაციების ეროვნული კომისია (შემდგომში - კომისია) აღნიშნავს, რომ 2024 წლის 15 ნოემბერს შპს „მაგთიკომის“ მიერ N ED 24/11/15-010 (კომისიაში რეგისტრაციის Nშ-24-6/4899, კომისიაში რეგისტრაციის თარიღი: 15.11.2024) წერილის დანართის სახით GIS ფორმატში წარმოდგენილ იქნა კომისიის მიერ 2024 წლის 8 ნოემბერს Nგ-24-08/2569 წერილით მოთხოვნილი ინფორმაცია და იმავე წერილში მიუთითა რომ, დანართში ასახული ინფორმაცია მოიცავს შპს „მაგთიკომის“ ოპტიკურ-ბოჭკოვანი ქსელის დეტალურ ტოპოლოგიას, რომლის გამჟღავნებამ შესაძლოა ზიანი მიაყენოს მის კონკურენტუნარიანობას, შესაბამისად კომისიას მიმართა თხოვნით ზოგადი ადმინისტრაციული კოდექსის 27² მუხლის თანახმად, წინამდებარე წერილის დანართის სახით წარმოდგენილი ინფორმაცია ცნოს კომერციულ საიდუმლოებად.

შპს „მაგთიკომის“ მიერ კომისიაში წარმოდგენილია შემდეგი ინფორმაცია: დაშვების წერტილების მდებარეობა (გეოგრაფიული კოორდინატების მითითებით) და მათი ტიპები, ოპტიკურ-ბოჭკოვანი კაბელების საწყისი და ბოლო წერტილების შესაბამისი მდებარეობა (უმეტეს შემთხვევებში ზუსტი მისამართის მითითებით), აღნიშნული წერტილების დამაკავშირებელი კაბელების სიგრძეები, მათი რაოდენობა და შესაბამისი მარშრუტები(კაბელის გეოგრაფიული განლაგების კოორდინატები, დატანილი რუქაზე) და დასახლებების ტიპების მიხედვით (ქალაქის და სოფლის ტიპის დასახლება).

„ელექტრონული კომუნიკაციების შესახებ“ საქართველოს კანონი, კერძოდ მე-19 მუხლის მე-2 პუნქტის „დ“ ქვეპუნქტის თანახმად ინფრასტრუქტურის მფლობელი ავტორიზებული პირი ვალდებულია მოთხოვნის შემთხვევაში უზრუნველყოს საკუთარი ქსელის შესაბამის თავისუფალ ელემენტებთან, მათ ფუნქციონალურ რესურსებთან და სიმძლავრეებთან მსურველი ავტორიზებული პირის შეუზღუდავი დაშვება; ხოლო თავის მხრივ დაშვება ამავე კანონის მე-2 მუხლის „რ“ ქვეპუნქტის შესაბამისად განმარტებულია როგორც - ელექტრონული საკომუნიკაციო ქსელის ოპერატორის მიერ განსაზღვრული პირობებით (მათ შორის, ტარიფებით) საკუთარი ქსელის შესაბამისი ელემენტებით, ტექნიკური საშუალებებით, მათი თავისუფალი ფუნქციონალური რესურსებითა და სიმძლავრეებით, ან მათი გამოყენებით განხორციელებული (ან განხორციელებადი) ელექტრონული საკომუნიკაციო მომსახურების სახეებით სარგებლობის უზრუნველყოფა, რომელიც მოიცავს:

რ.ა) ელექტრონული საკომუნიკაციო ქსელის ოპერატორის საკუთარი ქსელის ფიზიკური ინფრასტრუქტურის შესაბამისი ელემენტებითა და ტექნიკური საშუალებებით სარგებლობის უზრუნველყოფას;

რ.ბ) ადგილობრივი დაშვების ქსელის ელემენტებითა და მათი თავისუფალი რესურსებით, მათ შორის, საკანალიზაციო არხებითა და ჭებით, სააბონენტო წყვილებით, ანძებით და ბოძებით სარგებლობის უზრუნველყოფას; რ.გ) თანალოკაციის ფართობით სარგებლობის უზრუნველყოფას;

რ.დ) ფიქსირებული და მობილური საკომუნიკაციო ქსელის ოპერატორების ქსელის შესაბამისი ელემენტებით, მათი თავისუფალი საოპერაციო ფუნქციონალური რესურსებითა და სიმძლავრეებით (მათ შორის, როუმინგის მიწოდებასთან დაკავშირებული რესურსებით) სარგებლობის უზრუნველყოფას;

რ.ე) აბონენტის ინდივიდუალური დაშვების სისტემისა და პროგრამების (მომსახურების) ელექტრონული სარჩევის (მეგზურის) რესურსებით სარგებლობის უზრუნველყოფას;

რ.ვ) ელექტრონული საკომუნიკაციო ქსელების საოპერაციო პროგრამული მართვისა და მომხმარებელთა საინფორმაციო ბაზების, სააბონენტო ნომრების პორტაბელურობასთან (ტრანსლირებასთან) დაკავშირებული რესურსებით სარგებლობის უზრუნველყოფას;

რ.ზ) ვირტუალური ქსელების მომსახურების სახეებით სარგებლობის უზრუნველყოფას;

რ.თ) ელექტრონული საკომუნიკაციო ქსელის სხვა შესაბამისი ელემენტების ფუნქციონალური რესურსებითა და სიმძლავრეებით ან საკომუნიკაციო მომსახურების სახეებით სარგებლობის უზრუნველყოფას;

კომისია ასევე აღნიშნავს, რომ შპს “მაგთიკომი” წარმოადგენს მნიშვნელოვანი საბაზრო ძალაუფლების მქონე ოპერატორს, ბაზრის სხვადასხვა სეგმენტებზე, მათ შორის საკომუნიკაციო საკანალიზაციო არხებთან დაშვების საბითუმო ბაზრის, გამოყოფილი არხებით საბითუმო მომსახურების ბაზრის და ფიქსირებულ ლოკაციაზე ადგილობრივი და ცენტრალური დაშვების საბითუმო ბაზრის სეგმენტებზე, რომელთა ფარგლებში მასზე სხვა სპეციფიკურ ვალდებულებებთან ერთად დაკისრებულია ინფორმაციის გამჭვირვალების უზრუნველყოფის ვალდებულება. “ელექტრონული კომუნიკაციების შესახებ” საქართველოს კანონის 31-ე მუხლის პირველი პუნქტის საფუძველზე მნიშვნელოვანი საბაზრო ძალაუფლების მქონე ოპერატორი ვალდებულია უზრუნველყოს საკუთარი ქსელის შესაბამისი ელემენტებთან დაშვებისა და ურთიერთჩართვის მიწოდებასთან დაკავშირებული ინფორმაციის გამჭვირვალება და საჯაროდ გამოაქვეყნოს ქსელის შესაბამისი ელემენტების, ტექნიკური საშუალებების, ფუნქციონალური რესურსებისა და ინტერფეისების აღწერილობა, აგრეთვე ინფორმაცია თავისუფალი სიმძლავრეების შესახებ.

კომისია აგრეთვე აღნიშნავს, რომ განიხილა შპს “მაგთიკომის” მიერ 2024 წლის 15 ნოემბრის წერილის დანართით წარმოდგენილი ინფორმაცია და მიიჩნია, რომ შპს “მაგთიკომის” მიერ წარმოდგენილი მონაცემები მოიცავს ზოგად ინფორმაციას, რომელთა ერთობლიობა განაალიზების და ქსელის სხვა ელემენტების მონაცემებთან გაერთიანების შემთხვევაშიც კი საშუალებას არ იძლევა დადგინდეს შპს “მაგთიკომის” ქსელის აგებულების ლოგიკა და მისი ძლიერი და სუსტი მხარეები, რომლის გამჟღავნება ზიანს მიაყენებს შპს “მაგთიკომის” კონკურენტუნარიანობას. ამასთან წარმოდგენილი მონაცემების ძირითად ნაწილს შპს “მაგთიკომი” ყოველთვის უარყოფდა წარმოადგენს კომისიის სტატისტიკური ანგარიშგების ელექტრონულ ფორმებში, რომელიც არ წარმოადგენს კომერციულ საიდუმლოებას.

აღსანიშნავია, რომ კომისიის 2020 წლის 20 აგვისტოს №20-20/645 გადაწყვეტილებით შემოადნიშნული არგუმენტაციით, ასევე უარი ეთქვა შპს “მაგთიკომს” ანალოგიური ინფორმაციის კომერციულ საიდუმლოებად ცნობაზე. ყოველივე შემოადნიშნულიდან გამომდინარე, კომისია ვერ გაიზიარებს შპს “მაგთიკომის” მოთხოვნას დაშვების წერტილების დამაკავშირებელი ოპტიკურ-ბოჭკოვანი კაბელების სიგრძეების გადამოწმების მიზნით გამოთხოვილი ინფორმაციის კომერციულ საიდუმლოებად ცნობის შესახებ. ყოველივე შემოადნიშნულის გათვალისწინებით, საქართველოს ზოგადი ადმინისტრაციული კოდექსის 272 -ე, 53-ე, 95-ე - 99-ე მუხლების და საქართველოს კომუნიკაციების ეროვნული კომისიის 2003 წლის 27 ივნისის N1 დადგენილებით დამტკიცებული “საქართველოს კომუნიკაციების ეროვნული კომისიის საქმიანობის მარეგულირებელი წესების” მე-19 მუხლის შესაბამისად, კომისიამ, კენჭირსყრის შედეგად, ერთხმად

გადაწყვეტა:

1. არ დაკმაყოფილდეს შპს “მაგთიკომის” 2024 წლის 15 ნოემბრის წერილში ასახული მოთხოვნა (კომისიაში რეგისტრაციის №24-6/4899 ,თარიღი: 15.11.2024) კომისიაში წარმოდგენილი ინფორმაციის კომერციულ საიდუმლოებად ცნობის თაობაზე და აღნიშნული ინფორმაცია მიჩნეულ იქნეს ღიად.
2. შპს “ მაგთიკომის” 2024 წლის 15 ნოემბრის წერილით (კომისიაში რეგისტრაციის №24-6/4899) წარმოდგენილი დოკუმენტაცია ცნობილ იქნეს ღიად ამ გადაწყვეტილების მიღებიდან 15 დღის შემდეგ, თუ შპს “მაგთიკომმა” ამ გადაწყვეტილების სარეზოლუციო ნაწილის მე-5 პუნქტით დადგენილი წესით სასამართლოში არ გაასაჩივრა წინამდებარე გადაწყვეტილება.
3. დაევალოს კომისიის აპარატის ადმინისტრაციას (ო.ვოტ) აღნიშნული გადაწყვეტილების შპს “მაგთიკომისთვის” დაუყოვნებლივ გაგზავნა და კომისიის ოფიციალურ ვებ-გვერდზე (www.comcom.ge) გამოქვეყნება.
4. გადაწყვეტილება ძალაში შევიდეს კომისიის სხდომაზე გამოცხადებისთანავე.
5. გადაწყვეტილება შეიძლება გასაჩივრდეს ქ.თბილისის საქალაქო სასამართლოს ადმინისტრაციულ საქმეთა კოლეგიაში (თბილისი, დავით აღმაშენებლის ხეივანი N64) გადაწყვეტილების მიღებიდან 15 დღის ვადაში, რაც შპს „მაგთიკომმა“ დაუყოვნებლივ უნდა აცნობოს კომისიას.
6. კონტროლი აღნიშნული გადაწყვეტილების შესრულებაზე დაევალოს კომისიის აპარატის ადმინისტრაციას (ო.ვოტ)

კახი ბექაური

თავმჯდომარე

ვახტანგ აბაშიძე

წევრი

ნათია კუკულაძე

ნ. კუკულაძე

ნევრი

